


• 00 001



**ডঃ কুদরত-এ-খুদা**  
**স্মৃতি স্বর্ণপদক '৮৫**  
**প্রাপ্ত এ. হক খন্দকার**  
(নিজস্ব বার্তা পরিবেশক)

বিশিষ্ট বিজ্ঞান লেখক জনাব আবদুল হক খন্দকারকে চট্টগ্রাম বিজ্ঞান পরিষদ আয়োজিত এক বিশেষ অনুষ্ঠানে গত ৩০শে আগস্ট 'ডঃ মুহম্মদ কুদরত-এ-খুদা স্মৃতি স্বর্ণপদক '৮৫' দেয়া হয়। এ উপলক্ষে চট্টগ্রামে সেন্ট মেরিজ হলে আয়োজিত অনুষ্ঠানে দেশের বিশিষ্ট বিজ্ঞানী ও বিজ্ঞান শিক্ষা-বিদগণ ভাষণ দেন (৩১শে আগস্ট এখবর প্রকাশিত হয়েছে)।

জনাব আবদুল হক খন্দকার দীর্ঘদিন রংপুর কারমাইকেল কলেজের অধ্যাপক ও সায়েন্স ল্যাবরেটরীর 'বিজ্ঞান' ও 'বিজ্ঞানের জয়-যাত্রার' সম্পাদক ছিলেন। বর্তমানে তিনি বাংলাদেশ সরকারের বিজ্ঞান ও প্রযুক্তি বিভাগ থেকে প্রকাশিত পাক্ষিক বিজ্ঞান-বুলেটিন 'আজকের বিজ্ঞান'-এর সদস্য সম্পাদক। জনাব খন্দকারের জনপ্রিয় বিজ্ঞান বই-গুলোর মধ্যে রয়েছে 'জীব-জগতের জন্মকথা', 'বিচিত্র যত পদার্থ', 'বিজ্ঞানের মজার খেলা' (১ম ও ২য় খণ্ড), 'ব্যাধির বিরুদ্ধে বিজ্ঞানী'। এছাড়াও তাঁর শতাধিক প্রবন্ধ রয়েছে। এখনও এগুলো পুস্তকাকারে প্রকাশিত হয়নি।

ছাত্রাবস্থাতেই তাঁর লেখা বিভিন্ন পত্র-পত্রিকায় প্রকাশিত হয়। এখনও তিনি যে সকল পত্র-পত্রিকায় নিয়মিত লিখে থাকেন তাঁর মধ্যে রয়েছে 'কলকাতার জ্ঞান ও বিজ্ঞান' ও 'কিশোর বিজ্ঞান' সাময়িকী এবং এদেশের বাংলা একাডেমী বিজ্ঞান পত্রিকা, সচিত্র বাংলাদেশ, নবাবুণ, শিশু সবুজ পাতা, বিজ্ঞান চর্চা। 'দৈনিক ইন্ডেফাক'-এ তাঁর বিজ্ঞান বিষয়ক প্রবন্ধ প্রকাশিত হয়ে থাকে।